



ISUMAQATIGIISSUT

SULISUT SINNIISAAT PILLUGIT

SULINERMIK
INUUSSUTISSARSIUTEQARTUT
KATTUFFIATA (SIK)

AAMMA

KNI A/S-IP AKORNANNI

IMAASA ALLATTORSIMAFFIAT

Imaasa allattorsimaffiat	2
§ 1 - Isumaqtigiissummi pineqartut	3
§ 2 - Aaqqissuussaaneq	3
§ 3 - Sulisut sinnisaannik qinersineq	4
§ 4 - Suleqatigiinneq.....	4
§ 5 - Sulisut sinnisaattut suliassat.....	4
§ 6 - Sulisut sinnisaattut suliaqarunnaarneq	7
§ 7 - Piffissaq isumaqtigiissutip atuuffia.....	8
§ 8 - Atsiornerit	8

§ 1 - ISUMAQATIGIISUMMI PINEQARTUT

Sulisunut sinnisoqarnermik aaqqissuussinermi pineqarput sulisorisat SIK-p aamma KNI A/S-ip akornanni isumaqatigiissutit naapertorlugin atorfinitssineqarsimasut tamarmik.

§ 2 - AAQQISSUUSSAANEQ

Suliffiup immikkoortortaani SIK-p aamma KNI A/S-ip akornanni isumaqatigiissut naapertorlugu ikinnerpaamik tallimanik sulisulinni tamani sulisut sinnisaannik ataatsimik qinersisoqarsinnaavoq.

Imm. 2. KNI A/S sumiiffimmi suliffinnut, immikkoortortanut imaluunniit suiliassaqarfinnut arlalinnut agguataarsimappat isumaqatigiissutigineqassaaq suliffinnut, immikkoortortanut suiliassaqarfinnulluunniit ataasiakkaanut arlalinnulluunniit atuuttumik sulisut sinnisaannik qinersisoqartassasoq, taamaalilluni sulisunut sinnisoqarnermik aaqqissuussinerup siunertai sumiiffimmilu pisariaqartitat isumagineqaqqullugit.

Imm. 3. KNI A/S illoqarfimmi/nunaqarfimmi tallimanit ikinnerusunik sulisoqarpat isumaqatigiissutigineqarsinnaavoq sulisunut sinnisoqarnermik aaqqissuussineq atuutisanersoq.

Imm. 4. Sulisut kissaatigippassuk sulisut isumaqatigiissut naapertorlugu atorfinitssineqarsimasut tamarmik sinnisaannik ataatsimik qinersisoqarsinnaavoq.

Imm. 5. Illoqarfimmi/nunaqarfimmi sulisut sinnisaat arlaliuppata taakku akunnerminni sulisut ataatsimut sinnisaannik qinersisinnaapput apeqqutini ataatsimut tunngassuteqartuni sulisunut tamanut KNI A/S-imi sinnisuusinnaassalluni.

§ 3 - SULISUT SINNIISAANNIK QINERSINEQ

Sulisut sinnisaat § 2 imm. 1-imit taaneqartutut sulisorineqartunit qinerneqartoq SIK-p immikkoortortaqarfiani ilaasortaassaaq, immikkoortortaqarfillu ilaasortaaffigisaa SIK-mut atassaaq. Sulisut sinnisaat sulisut pikkorissut tatigisaasut qaammatit arfiniliit kingullit ingerlaneranni KNI A/S-imil sulisorineqarsimasut akornanni qinerneqassaaq.

Imm. 2. Sulisut sinnisaannik qinersineq SIK-p immikkoortortaqarfiani siulersuisunut nalunaarutigineqassaaq. Qinersineq atorsinnaanngilaq siulersuisunit akuerineqaqq-aartinnagu taakkunanngalu allakkatigut KNI A/S-imut nalunaarutigineqaqqartinnagu. Sulisut sinnisaannik qinersineq KNI A/S-ip tunngavissalimmik akerlilersinnaaguniuk pisinnaatitaavoq qinersineq SIK-p immikkoortortaqarfiata siulersuisuinut SIK-mullu uparuaatigissallugu.

§ 4 - SULEQATIGIINNEQ

Sulisut sinnisaat pisussaavoq angusaqarluarnissaq isumagalugu KNI A/S-imik suleqa-teqarnissaminut, sapinngisaminik pingaartittuarniassallugu sulinermini atugassarisat toqqisisimanartuullutilu aalajaatsuullutilu pitsasuunissaat. Taamatuttaaq KNI A/S pisussaaffeqarpoq.

§ 5 - SULISUT SINNIISAATTUT SULIASSAT

Sulisut sinnisaata pisinnaatitaaffigalugillu pisussaaffigai maalaarutit, aaqqiagiinngin-nerit isumaqatigiissutitigullu ajornartorsiutit isumaqatigiinniuteqarfigisassallugit, ilaatigut makkununnga tunngasut: Piffissap suliffiusup inissinneqarnera, piffissat ne-riffissat qiteqqunnerillu taakkualu inissinneqarnerat, feeriarnissanut pilersaarutit, nakkutiliinerit, suliffimmi isumannaatsuunissaq, isumaqatigiissutit qanoq paasine-

qarnissaannik ajornartorsiutit, eqqiluisaarnissaq aamma akkordernerit pillugit isumaqatigiinniarnerit, toqqaannartumik akuusut sulisitsisorlu tamakkunatigut isumaqati-
giissinnaanngikkaangata. Taamaaliortoqartassaaq apeqqut tamanna sulisut sinniisaannut KNI A/S-imit imaluunniit sulisumit saqqummiunneqaraangat. Isumaqatigiinniarnerit taakkunanilu angusat imaqarniliorneqassapput, tamatuma kingorna illua'-tungeriinnit malinneqartussanik.

Imm. 2. Sulisut sinnisaat aamma KNI A/S-ip sumiiffimmi sinnisaat pisinnaatitaanngilat isumaqatigiissummi atuuttumi aalajangersakkat allanguutissaannik isumaqatigiinniuteqarnissaminnut.

Imm. 3. Sulisut sinnisaata isumaqatigiinniarfigisinnaasai tassaapput sulinermi pissutsit KNI A/S-imik isumaqatiginninniarnissamut pisinnaatitaaffigisani. Sulisut sinnisaat pisussaatitaavoq nakkutigissallugu suliassaq KNI A/S-ip suliassiissutaa imapissuseqarlunilu annertussuseqassasoq sulisup inuunerminik avatiminillu navianartorsiortitsinani suliarisinnaallugu. Navianartunik suliaqartoqassatillugu, soorlu akuutissanik toqunartulinnik, umiarsuarni tankeqarfinnilu tankinik saliinermik il.il. sulisut sinnisaat sulisorlu tamatuminnga ilisimatinneqassapput suliassat taamaattut suliarineqalersinnagit.

Imm. 4. Suliffimmi sulisunik nutaanik atorfinitisitsisoqarnerani sulisut sinnisaat pisussaavoq sulisut nutaat sulilinnginneranni suliffimmik suliallu qanoq issusianik paassisutississallugit suleqatigiligassaannullu ilisaritissallugit.

Imm. 5. Sulisut sinnisaata piffissaq sulisut sinnisaattut suliassap illersorneqarsinnaasumik ingerlannissaanut pisariaqartoq atorsinnaavaa suliffeqarfiup angissusia sumiiffimilu pissutsit eqqarsaatigissagaanni.

Imm. 6. Sumiiffinni sulisut arlalinnik sinnisoqarfigisaanni KNI A/S-ip SIK-Illu immik-koortortaqarfiata isumaqatigiinniarneratigut periarfissaqarpoq sulisut ataatsimut sinnisaata ataatsip piffissap suliffigisami affaa tikillugu akissarsiaminik annaasaqaatiginagu sulisut sinnisaattut suliassaminik isumaginninnissaanut.

Imm. 7. Sumiiffinni sulisut ataatsimut sinniisoqarfinginngisaanni sulisut sinnisaata sulinermini atugassarisai KNI A/S-ip SIK-lu immikkoortortaqarfiani siulersuisut isumaqtigiissutigissavaat.

Imm. 8. Ataatsimiinnerit ingerlanneqarsinnaapput sulisup, sulisut sinnisaata imaluunniit sulisitsisup kissaateqarneratigut. Sulisup sulisullu sinnisaata ataatsimiinneri ingerlanneqartassapput piffissami sulisut sinnisaata sulisut sinnisaattut suliassaminut atugassaritinneqarfiani.

Imm. 9. Sulisut sinnisaasa ataatsimiinneri suliffiup avataani piffissalli suliffiusup iluani SIK-p immikkoortortaqarfiata aaqqissuussai akissarsiaqaatigalugu sulinngiffeqaa-tasinnaapput. Sapinngisamilli piffissaalluartillugu tamanna KNI A/S-mik isumaqtigiissutigineqaqqaassaaq. Nukinginnartumik pisoqartillugu tamanna isumaqtigiissutigineqaqqaarsimangippat sulisut sinnisaata peqannginnini periarfissaq siulleq atorlugu KNI A/S-imut ilisimatitsissutigissavaa. Nalornisoorutaasin-naasut SIK-p allattoqarfiata aamma KNI A/S-ip sulisoqarnermut immikkoortortaqarfiata isumaqtigiinniarnerisigut aalajangiiffigineqassapput.

Imm. 10. Illua'tungeriit tamarmik pisussaaffigaat apequtit tamaasa tatigeqatigiiffi-sumik suleqatigiinnikkut aaqqinniassallugit, § 4 innersuussutigalugu. Isumaqtigiissuteqartoqanngippalli sulisut sinnisaat pisinnaatitaavoq SIK-p immikkoortortaqarfianit ikiortissarsiussalluni, taavalu SIK-p immikkoortortaqarfiata KNI A/S isumaqtiginialisavaa. Tassuuna aamma isumaqtigiissuteqartoqanngippat suliassaq ingerlateqqin-neqarsinnaavoq suliarineqarlunilu SIK-p aamma KNI A/S-ip tunngaviusumik isumaqtigiissutaat naapertorlugu.

Imm. 11. Sulisut sinnisaat pisussaavoq ilaasortaasut suliffimmi soqutigisaat aallutissallugit. Tatigeqatigiiffisumik suleqatigiinnerup attatiinnarneqarnissaa pillugu sulisut sinnisaat sapinngisani tamaat iliussaaq. Pingaartumik sulisut sinnisaata suleqatigiinnermullu ataatsimiititaliap, taamaattumik ataatsimiititaliaqarpat, suleqataaffigisassaraat isumaqtigiissutigut aalajangersakkat suliffeqarfimmi tamarmi paasineqarluarnissaat, soorluttaaq aalajangersakkat tamakkua maleruarne-qarnissaat sulissutigisassarigaat.

§ 6 - SULISUT SINNIISAATTUT SULIAQARUNNAARNEQ

Sulisut sinnisaannik soraarsitsineq pisariaqarluinnartutut tunngavilersugaassaaq, sulisitsisorlu pisussaavoq sulisut sinnisuannik soraarsitsiniaruni taassuma nalinginnaasumik sulisuugaluaruni soraarsitaanissaminik kalerrinneqarfissaanit sapaatip-akunnerinik qulingiluanik siusinnerusukkut kalerriuteqarnissaminut.

Imm. 2. Sulisut sinnisaata sulinera nalinginnaasumik kipitinneqarsinnaanngilaq piffissap kalerriuteqarfiusup iluani, aammalu SIK periarfissinneqareersinnagu soraarsinerup tunngavissaqarnerata sulisartoqarnermi eqqartuussivikkut suliaritinnissaanut. Anguniarneqartariaqarpoq suliassaq sapingisamik siusissukkut sulisartoqarnermi eqqartuussivikoortinnejassasoq, taamaalilluni aalajangiineq piffissaq kalerriuteqarfiusoq qaangiutsinnagu pisinnaaniassammat.

Imm. 3. Soraarsitsineq sulisartoqarnermi eqqartuussivimmi tunngavissaqaqangitsutut aalajangiivigineqareeraluartoq KNI A/S-ip aalajangiusimaannarpagu, piffissami kalerriuteqarfiusumi akissarsiaqartitsinissami saniatigut sulisitsisoq taarsiissuteqarnissaminut pisussaavoq. Taarsiissutissap qanoq angitiginissaanut pissutsit qanoq innerat apeqqutaassaaq, kisianni sapaatip-akunnerinut 13-inut akissarsianit angine-rusinnaanani, akissarsiallu naatsorsorneqassapput sulisut sinnisaata qaammatini kingullerni pingasuni agguaqatigiissillugu pissarsiarisimasai tunngavigalugit.

Imm. 4. Sulisut sinnisaata soraarsinneqarnerata tunngavissaqarneranik taassumunngalu taarsiissutaaratarsinnaasut angissusissaannik apeqqutit sulisartoqarnermi eqqartuussivikkut inaarutaasumik aalajangiiffigineqassapput.

Imm. 5. Sulisut sinnisaat qaqugukkulluunniit sulisunut sinnisuunerminit tunuarsinnaatitaavoq. Tamanna pissaaq SIK-p immikkoortortaqarfianut allakkatigut nalunaaruteqarnikkut, SIK-llu immikkoortortaqarfia pisussaavoq sulisut sinnisaata tunuarnera KNI A/S-imut nalunaarutigissallugu.

Imm. 6. Sulisunut sinniisoqarfimmi ataatsimi sulisut affaat sinnerlugit sulisut sinnisaannik tatiginninnginnerminnik nalunaaruteqarpata sulisut sinnisaat erngiinnaq tu-nuassaaq.

Imm. 7. Sulisunut sinniisoqarfimmi pineqartumi sulisut tallimanut imaluunniit taak-kunannga ikinnerulerpata sulisunut sinniisup taama atuunnera unissaaq, illua'tungeriit tamatuma akerlianik isumaqatigiissuteqanngippata, § 2, imm. 3 naap-ertorlugu.

§ 7 - PIFFISSAQ ISUMAQATIGISSLUTIP ATUUUFFIA

Isumaqtigiissut manna atuutilerpoq ulloq 1. apriili 2016.

Imm. 2. Isumaqtigiissut illua'tungeriit arlaannit atorunnaartussanngortinne-qarsinnaavoq qaammatinik pingasunik sioqqutsisumik kalerruiteqarnikkut, siusin-nerpaamilli 31. marsi 2019-imi, aamma apeqqutaatillugu akissarsiat pillugit isu-maqatigiissutit nalinginnaasut tamatuma peqatigisaanik atorunnaarsinnejarnissaat.

§ 8 - ATSIORNERIT

Manna isumaqtigiissutigineqarpoq SIK-p siulersuisuunerinit aamma KNI A/S-ip siulersuisuinit akuerineqarnissaa apeqqutaatillugu.

Nuuk, ulloq

Sisimiut, ulloq

Sulinermik Inuussutissarsiuteqartut Kattuffiat

KNI A/S

Jess G. Berthelsen

Jan. H. Lynge-Pedersen

Kattuffiup siulittaasua

CFO